

**Zeitschrift:** L'ami du patois : trimestriel romand  
**Band:** 13 (1985)  
**Heft:** 48

**Rubrik:** Pages fribourgeoises  
**Autor:** [s.n.]

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 17.04.2026

**ETH-Bibliothek Zürich, E-Periodica, <https://www.e-periodica.ch>**

ECHOS DE LA

ROMANDE

ET D'AILLEURS



## Pages fribourgeoises



### ACHINBIAYE DOU TRIOLE

L'achinbiâye d'outon, chè pachàye a Trivô. Le préjidan Franthè Mauron i arè ha vèhyia in chaluin M. le Chindik, M. le préjidan dè Parotze.

Apri le protocole dè la chekrétère, no j'an fè l'ékoulà dou patè, le préjidan irè nouthron profasseu. L'avè betà ouna trintanna dè mo, ma to le mondo chè bin dèbrouyi.

Kemin no j'iran a Trivô, le vice préjidan no j'a yie lè mèmòire ke chon din le lèvro di chovigni, di dou farvin patèjan Pierro Yerly è Franthè Bourdjè. Le préjidan la bayi la parola a tré ti hou ke l'avan otyiè chu le kê, no j'an oyiù di konto, di poème, di chovigni, di tsan è la vèhyia laournè pà kotiè galé mochi dè pachtringà.

*La chekrétère : S.R.*

Lè Patijan de la Grevîre  
a La Rotse

\* \* \*



La chôla dè kemouna de La Rotse l'è fèrmo grôcha è, portan, irè a pou pri pyèna in ha demindze 10 dè mâ 1985 po rèchuêdre lè "Patijan de la Grevîre". To chin l'a keminyi pê le dèchè, kar le redyô de la sène chè teri po no prèjintâ di grahyajè tsantèridè è di chejin tsantèri menâ pê M. Huguenot. Adon no chin j'ou èmèrvèyi, no no

chin règalâ in odzin di bi tsan in patê ke l'avan on bon chon dè furi è on go dè galéjè hyà.

Pu, le prèjidan in tsêrdze, André Brodâ àrè l'athinbyâye in no dejin ke hou ke trakouâvan deché delé po dèchtruire le patê chon j'ou intèrà por ingréchi la pèpenère ke l'a rèdzèrmâ. Lè j'èkrivin l'an rèprê lou pyâma k'irè chobrâye badère è n'in d'a, mimamin, di dèputé ou Gran-Konchèye ke l'an oujâ ateji la hyanma. No j'a achebin dèvejâ dè ti hou patijan de La Rotse ke l'an tchithâ chi bi velâdzo de La Rotse por on mondo mèyâ.

L'opèra in patê "Le chèkrè dou tsandèlê" dè Oscar Moret è dè Kolin kolly l'a rèchu lè j'ovachyon ke mretâvè.

Le prèjidan no j'a anonhyi l'athinbyâye jènèrale ke chè tindrè le 14 d'èvri a La Toua pu, no j'a dèbyotâ na lichta dè 200 mo environ ke l'an tré ou pèyo.

Din lè divê, la parola l'è j'ou baya a n'on tènor dou patê, poète, èkrivin, ôteu dè vouére dè pîthè in patê, M. Francis Brodâ ke no j'a rinthènyi chu la fîtha di patijan reman a Sierre lè 28 è 29 dè sèptanbre, dè ha ke cherè organijâye i kolonbètè le 6 d'oktôbre yô cheron nonmâ lè novi manti-nyâre, le konkour dè patê po lè j'infan pu chu le dikchye-néro ke chudrè din 4 an a l'okajyon de la Fîtha di patijan ke l'arè lyu din le tyinton dè Friboua.

Le chindike M. Toâne Gayâ fèlichitè ti hou dèfindyâ dou viyo lingâdzo, lè chaluè, lè rêmârhyè è lou kouâ na bouna rintrâye. M. Marius Bovet n'in fâ dè mimo è, a 5 àrè, André Brodâ dè-hyâre l'athinbyâye hyoute.

R. Chudan